



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Locorum, & fontium proprietates aliquæ, quæ operi nostro conferre  
possunt. Cap. XVII.

---

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)

vua sensum alium, quam cæteræ vuæ faciūt, nec vinam  
à cæteris vinis distare percipitur. Medicamenta, quæ in  
Eubœa oriuntur meliora, quæ ferat Æge, deteriora quæ  
Telethriū, asseuerat, sunt enim illa sicciora: Telethriū  
autem locum esse opacum, atq; subriguum. Et in  
Perside ferunt lethalem nasci arborem, cuius sunt po-  
ma præsentis veneni, vt illico vescentes interimant:  
quapropter in supplicijs tantum ijs vtebantur, Regibus  
tamen in Ægyptum translata, & Persianam perfidiam  
exuta, cibis idonea, & salubria defert poma. Columellæ  
de hac extant versus;

*Stipantur calathi & pomis, qua barbara Persis  
Miserat (ut fama est) patrys armata venenu:  
At nunc expositi paruo discernine lethi,  
Ambrosios prabent succos oblitera nocendi.*

Clarum est, Dioscoridis authoritate, quod magni qui-  
dem refert, si loca, in quibus prodeunt cliuosa, ventis  
exposita, proflata, frigidaque, & aquis carentia: in his  
enim locis vires eorum longè validiores intelliguntur:  
contra quæ in campestribus, riguis, & opacis, cæterisq;  
locis à vento silentibus enascuntur, plerunque degene-  
rant, & minus viribus valent. Vnde si per regiones mul-  
tum à primis distare videntur, neque pares retinent vi-  
res, eo deferantur loci, & vnde maximè vim illam sor-  
tiri videntur.

*Locorum, & fontium proprietates aliæ, quæ operi no-  
stro conferre possunt. CAP. XVII.*

**N**E C minus locorum diuersitas in varijs rerum ef-  
fectibus operatur. Locus enim quoque terratum,  
aquarumque miracula retinet multa, quæ recte scire &  
nouisse Magum oportet: nam sæpen numero videmus,  
aliqua situs ratione solum operari, & miracula afferre  
ob cœli inclinationē, & Solis impetum longius, & pro-  
pius accedendo, recedendoq;. Si enim terra vna ab al-  
tera non differret, non solum in Syria & Arabia in ha-  
rundinibus, iuncis, herbisq; essent odores & thuriferæ  
arbores, neq; piperis baccas, neq; myrrhæ glebulas da-  
rent, sed in omnibus terre locis generis eiusdem omnia

procrearētur. Ex fontibus quoq; proprietates hauriuntur aliquæ, quæ non aliter possent fieri, nisi quum terrenus humor suis proprietatibus saporū in radicibus infusus, enutrit materiam, per quam egrediens ad caccum, profundat proprium loci, & sui generis fructus saporem. Zama Afrorum est ciuitas, ab ea passuum milia viginti est oppidū Ismuc, & quum Africa parens & altrix sit bestiarum, & maximè serpentium, in eius oppidi agris nulla nascitur, & si allata ibi ponatur, statim moritur, & terra illa alio translata idem efficit. In Tarquinensi lacu magno Italiæ nemora circumferuntur, nunc figuram triquetram edentia, nūc rotundam, ventis impellentibus, quadratam verò nunquam. In agro Cispadano, in tractu eo, qui monsterax dicitur, tritici species, quam siligine vocant, tertia satione in frumentum vertitur. Læcta Harpasa Asie oppidum cautes est horrenda; quæ vno digito mouetur, & eadē si toto corpore impellatur, resistit. Sunt quoq; & terræ, quæ maximis scarent ignibus: vti in Sicilia Ætna mons sæpe flagrat, & in Phaselide mons Chimera, & tradit Ctesias ignem eius aqua accendi, extinguui vero terra. Et in Megalopolitano agro, & in subiectis Arciæ aruis si decidebit carbo, terra ardet. Sic in Lycia Ephesti montes tæda tacti flagrant, vt lapides & arenæ in aquis ardeant, vnde si quis baculo sulcos traxerit, ignium riuos sequi narratur. Nec de aquis minora narrantur, dum enim per subterraneas partes procedunt, per alumén, bitumen, sulphur, & cætera metalla transeunt, nūc internas percurrendo partes, illicò corpus contabescit, & necatur: nunc vero interiora corporis vitia mederi solent. Sunt & genera aquarum multa, nec paucas habent proprietates. Est enim in Sicilia Himera flumen, quod in duas dividit partes: ea enim, quæ contra Ætnam profluit, infinita est dulcedine, quæ vero per sal currit, salsum habet saporem. Est & inter Mazaca, & Tuaua Cappadociæ vrbes lacus quidam, in quem si harundinem immiseris, vellignum, paulatim lapidescit, nec mutatur, quod aquis excat. In Hierapolli vrbe trans Mæandrum flumen aqua, quæ in tophum lapidescit, ita vt qui aquæ ductus

ductus deriuant, integra struāt ex illis septa. Sunt Bœotiæ flumina Cephisos, & Melas, & quū pecora suis temporibus ad conceptionem partus per id tempus ex eo continuè bibant, inde quamuis sint alba, procreant alijs locis leucophæa, alijs pulla, alijs verò coracino colore. Sic ex Peneo Thessalico, & ex Astace Pontico fluminib. bibendo nigrescunt oves. Sunt & genera aquæ mortifera, quæ per maleficum terræ succum vim recipiunt in se venenatam: vti Terracine fons, qui Neptunius vocabatur, ex qua qui biberant, vita priuabantur: quapropter antiquos eum obstruxisse fertur. Et Cychros in Thracia lacus, ex quo nō solum qui biberint, sed qui se lauerint, moriuntur. Stillantes sunt è saxo frigidissimi humores in Arcadia Nonacris nominata regione, quæ aqua Stygos hidor nominatur, quam neq; argenteum, neque æneum vas potest sustinere, sed dissilit & dissipatur, nec illam aliud continere potest, nisi mulina vngula, quæ memoratur ab Antipatro in prouinciam, vbi erat Alexander, per lollam filium perlata, & ab eo aqua illa Regem esse necatum. In agro Phalisco via Campana in Corneto campo est lacus, in quo fons oritur, vbi anguum, lacertarum, reliquarumque serpentum ossa iacentia apparent, quæ si extrahere volueris, nihil reperies. Item sunt nonnullæ acidæ fontium venæ, vti Lyncesto, & in Italia virena Campania Theano, quam curiosè quum perquisissem, secus viam, quæ Romam dicit à Theano miliare distantem inuenimus, commendatissimæ dotis ad calculum. Fons est unus Paphlagoniæ, ex quo etiâ sine vino potantes fiunt temulentii. In insula autē Chio fons, ex quo qui biberint, imprudenter fiunt insipientes, & saxe i redduntur sensus. Susis autem fonticulus est, è quo qui biberint, amittant dentes. Nili aqua adeò fœcunda est, vt ex ea animentur glebæ. In Æthiopia fons scaturit, qui circa meridiem adeo friget, vt sit inhabilis potui, vbi autem media accesserit nox, sic feruet, vt tangi non sustineat. Multi præterea sunt, quorum meminit Ouidius:

-- medio tua corniger Ammon.

Vnda die gelida est, ortuq; obituq; calescit.

C 4

Admotis Athamantis aquis accendere lignum  
 Narratur, minimos quum Luna recessit in orbes.  
 Flumen habent Cicones, quod potum saxe a reddit,  
 Viscera, quod tactus inducit marmor a rebus.  
 Cratus, & hinc Sybaris vestris conterminus oris,  
 Electro similes faciunt, auroq; capillos.  
 Quodq; magis mirum est, sunt qui nō corpora tantum,  
 Verum animos etiam valeant mutare, liquores.  
 Cu non audita est obscena Salmacis unda?  
 Æthiopesq; lacus? quos si quis faucibus hau sit,  
 Aut furit, aut patitur mirum grauitate soporem.  
 Clitorio quicunq; sicim de fonte leuarit,  
 Vina fugit, gaudet q; meris abstemius undis.  
 Hinc fluit effectu dispar Lyncestius amnis:  
 Quem quicunq; parum moderato gutture traxit,  
 Haud aliter trahat, quam si mera vina bibisset.  
 Est lacus Arcadia, Pheneum dixere priores,  
 Ambiguis subiectis aquis, quas nocte timeto:  
 Nocte nocent pota. sine noxa luce bibuntur.  
 Aliæ sunt quoq; locorū, & fontium proprietates, quas  
 qui quærat libros legat, quos scripsit Theophrastus, Ti-  
 mæus, Posidonius, Hegesias, Herodotus, Aristides, Me-  
 trodorus, qui vigilantia, & insipito studio locorum pro-  
 prietas exquisierunt, & eas scriptis declarauerunt; in-  
 de à Plinio, Solino, multisq; historijs narrata.

Compositiones valentius operari, & ut misceri, & com-  
 ponri simplicia debeant, misturas subingredientia  
 nostras. C A P. XVIII.

**N**VNC subiugere necessarium videtur, quomodo  
 simplicia multa in vnum componere debeamus,  
 vt mistum violentius operetur, Proclus libro de sacri-  
 cio & Magia tradit veteres sacerdotes, quod plura ad in-  
 uicem miscerant, quia videbant simplicia nonnullam  
 habere numinis proprietatem, non tamen singulatim  
 sufficientē ad numinis illius aduocationem. Quamob-  
 rem ipsa multorum commixtione attrahebant super-  
 nos influxus, atq; quod ipsi cōponendo, vnum ex mul-  
 tis conficiebant, assimilabant ipsi yni, quod est super  
 multa.